



**Inatsisartut ilassutitut aningaasaliissutitut inatsisissaannut siunnersuut 2022.**

(Aningaasaqarnermut Naligiissitaanermullu Naalakkersuisoq)

(Siullermeerneqarnera)

Illassutitut aningaasaliissutitut inatsit ukiumoortumik uteqqiattup isumagaa aningaasartuutit pilersaarutaasimangittut, ukiumi tassani. Tassa imatut paasillugu aningaasat pineqarlutik, atorneqareersimasut, taamaattumillu massakkut iliuseqarfigisinnaanngisagut, Inatsisartuni ilassutitut aningaasaliissutitut inatsisip pisortatigoortumik akuersissutiginerani.

Demokraatinut pingaaruteqartuaannarpoq, akisussaassusilimmik aningaasanik ingerlatsinissaq tassanilu aamma aningaasanut missigersuut akisussaassusilimmik suliarineqartoq. Akuersaarparput, ukiup ataatsip ingerlanerani naatsorsuutiginnngisanik aningaasartuutissanik saqqummertoqariataartarnera – tamannami naliginnaavoq. Kisiannili imaalinnngisaannarili, pissusissamisoorutut isigissagipput, ukiut tamaasa ilassutitut aningaasaliissutissanut aningaasartuutit annertoorsuutinnissai. Naalakkersuisut sapinngisaminnik akisussaassuseqartumik pivusorsioortumillu missigersersuusiorniartariaqarput ukiumoortumik aningaasanut inatsisit suliarinerini.

2022-imi ilassutitut aningaasaliissutissatut qinnuteqaatit akuerineqartut Naalakkersuisuniit nunatta naatsorsuutai 277 millioner koruuninik appasinnngortippaat. 2021-imi kisitsisit 150 millioner koruuniusimallutik. Kisitsisit qaffasippallaarujussuarput. Taamaattumik allatut ajornartumik Naalakkersuisut piunaffigisariaqarpakka pivusorsiornerusariaqartut, 2024-imut aningaasanuti inatsimmut siunnersuut suliarineqalerpat. Tamanna tamatsinnut iluaqutaassaaq.

Neriuppunga, Naalakkersuisut kajumissaarutigaa malissagaat, siunissamik ilassutitut akuereqqulluni qinnuteqaatit annertuumik iliniassammata.

Taamatut oqaaseqaateqarlunga nalunaarutigissavara, Demokraatit siunnersuut una akuerisassatut innersuukkaat aappasaaneernissaanullu Anngaasaqarnermut- Akileraartarnermullu ataatsimiitaliami suliareqqitassanngorlugu ingerlateqqinnissaa.